



ШЫН

НИИТИЛЕЛ-ПОЛИТИКТИГ СОЛУН

1925 чыпаның
август 31-де үнүп
эгелээн

№ 79 (17408)

2007 чылдың
июль 10,
вторник

Номерни парлалгаже
дужааганы:
график езугаар — 21.00,
херек кырында — 17.30.
Садар өртээ 4 рубль.

«Улуг Саян дээрбээ-2007»

АШТЫРЗА-ДАА, ШАҢНАЛДАРЛЫГ БОЛГАН



«Чаңгыс демниг Россия» бүгү-россия партиязының Красноярскиниң девискээр салбырының болгаш Красноярск крайның Администрациязының Күш-культура болгаш спорт агентилелиниң Красноярск крайның каттыжылгазынга тураскааткан «Чаңгыс демниг Россияга бүзүрел-биле» деп аттыг «Улуг Саян дээрбээ» регионнар аразының чадаг-терге марафону болгаш Красноярск крайның чадаг-тергеге ажык чемпионаты, бирги чер дээш маргылдаазы июнь 28-те эгелээн болгаш июль 18-ке чедир уламчылаар.

Июль 18-те Красноярскиден 28 спортчу Красноярск-Дивногорск-Балахта-Новоселово-Абакан-Шушенское-Ермаковское-Кызыл-Чадаана-Ак-Довурак-Абаза-Аскиз-Абакан-Красноярск маршрутту эртери-биле үнүлкен. Олар Тыва Республиканың найысылалы Кызылга июль 8-те кире маңнадып келгеннер. Чадаг-терге марафонунун киржикчилери – спортчуларга тураскааткан «Найырал» аттыг спортчу чарыш байырлалы Кызыл хоорайның төвүнде «Арат

шөлүнге» июль 8-те, дүш үеинде болуп эрткен. Маргылдаага хоорайның 3 харлыг чадаг-тергежилеринден эгелээш 68 харлыг спортчузунга чедир идепкейлиг киришкен.

Байырлалдың ажыдышкынынга Красноярск крайдан Күрүне Думазының депутады, ук марафонунун деткичизи, дагдыныкчызы Вера Оськина, Тываның «ЧДР» партиязының девискээр салбырының политчевүлелиниң секретары Николай Дубровский,

Кызыл хоорайның мэриниң бирги оралакчызы Владимир Сериков болгаш өскелер-даа кадык чуртталганы суртаалдавышаан, аныяк өскенге, ылаңгыя бичи оолдарга үлегер-чижээн көргүзүп, адааргалдың одун кылып чорууру дээш спортчуларга байыр чедиргеш, кижилер бүзүрүнге маргылдаага чедишкиннерни күзээн.

Аныяктар мурнундан Александр Челиков сөс алгаш, спорт – кадыкшылдың үндезини дээрзин онзаллап айыткаш, 2014 чылда кышкы Олимпий оюннарын эртерери-биле Россияның хоорайы Сочи шилип алганы кончуг экидир деп чугаалааш, ооң-биле чергелештир массалыг спорт хөгжүлдө ап эгелээнинге өөрүп турарын, спортчуларның дузазы-биле кадык амыдыралды суртаалдаар ажылга чүнү-даа кылырынга аныяктар белең бис деп медеглээң.

Дараазында «Арат шөлүнге» чадаг-терге марафонунун киржикчилериниң көргүзүг чарыжы-биле маргылдаа эгелээн. Олар 10 дескинигни кезек үеде дендии дүрген кылганын чон магадап көргөн. Аңаа 1-2-3-кү черлерни шуптузу спорт мастеринге кандидаттар Александр Пленник, Евгений Шуманский (кайызы-даа Петропавловск хоорайдан), Евгений Димитров (Новосибирск) чаалап алган.

Улуг спортчу акыларының соондан 3-5 хар аразында спортчулар 20 метр хемчээлге чарышкан. Аңаа 1-ги черни Чыпсынак Санчай, 2-гизин Кенден Айыжы-Маадыр, 3-күзүн Өлчей Саяты ээлээн.

Чедиден он хар чедир оолдарның аразында 1-2-3-кү черлерни Монгуш Сайдаш, Трояков Саша, Бегзи Артыш ээлээн. 10-13 харлыг оолдар аразында шаң-

налдыг черлерни Болат Чингис, Хертек Алектат, Куулар Меңги алган.

13 хардан улуг назылыг чадаг-тергежилерни шуптузун ниити чарыштырган. Аңаа 1-ги черни Александр Немкин, 2-ги черни Айдар Балчинмай алган. Үшкү черге журналист Александр Земляной биле Мерген Монгуш деңге финишче киргеш төлептиг болган. 4-күзүн Денис Окунев, 5-кизин 68 харлыг Владимир Долгополов чаалап алган.

«Чаңгыс демниг Россия» партиязының Тывада регионалдыг салбырының төлээлери шаңналдыг черге кирген болгаш кирбээн-даа чарыш киржикчилерин шуптузун өртектиг белектер-биле шаңнап, киржикчилерниң сеткил-сагыжын өөрткен.

Каң-бол САТ.
Владимир Савиныхтың тырттырган чуруктары.



